

見
聞
續
筆

見聞續筆卷十

婺源 齊學裘 于治

陽羨綏安詩下

遣懷

人生在塵世。甘苦須備嘗。譬如人行路。初出多康莊。行到半途間。崔嵬逢太行。豈因太行高。卻走徒徬徨。緩步登其巔。縱目覽四方。險處未曾經。奇景安得望。下山疾復疾。依然大道旁。閱歷既已多。甘苦兩相忘。寄語行路人。不必嗟年腸。

天地有虧陷。年歲有歉豐。道路有險夷。人生有窮通。久
晴必久雨。日昃由日中。物極無不反。君子常固窮。不怨
并不尤。氣象何其雄。霜雪任交加。不改柏與松。哀哉市
井人。得失爭雞蟲。

飛流三千丈。奇峰一萬重。廣廈百十間。獨客居其中。何
事破寂寥。萬卷勞雙瞳。何物以怡情。三尺橫枯桐。興到
吟一篇。遊情寄飛鴻。仰觀浮雲浮。片片遊蒼穹。
人生天地間。滄海渺一粟。無罪以當貴。無禍便是福。隨
緣過此生。了却棋一局。萬事付子虛。胸次何落落。所以

貴爲人。務任能絕俗。人俗不可醫。富貴亦草木。草死與木斃。身後更寂寞。

人心不可測。君子貴擇交。我生好交遊。至契在衡茅。初

交城北徐。

謂伯宏

把臂如同胞。繼交潘邠老。

謂曉村

相投如

漆膠。急難相扶持。文字相推敲。一日不得見。中心如煎

熬。三人永爲好。骨相皆孤高。窮愁我爲甚。意氣潘最豪。

徐公眞公瑾。醉人如醕醪。此外豈無朋。可以同遊遨。數

月不一見。易得遂易拋。亦有素心人。蹤跡寄遠郊。音問

久不通。魂夢如翔翱。凡人以類聚。不得相混淆。倘友不

如已豈止損一毫。

寒門不可出。閉戶策爲長。俗流不可友。息交計爲良。閉戶兼息交。庶可除不祥。縱有異患。于心可對彼蒼。異患苟不干。寒餓庸何傷。富者衆之怨。貧者士之常。

禍從何處起。言爲禍之根。守得口如瓶。任他耳屬垣。出口便興戎。君子無多言。風月儘可談。詩畫亦堪論。人過與已長。切勿言津津。小子其識之。三緘師金人。

將遊太極洞得詩三首

賦性似淵明。所愛在邱山。我本樛櫟材。置身合巖間。陽

羨富山水。筇屐往復還。朝飲玉女泉。莫宿銅官巔。龍池
看曉雲。雞籠結深緣。詩余寄居雞籠山下我意猶未足。越境尋雲
煙。廣德有大洞。境妙難以言。我遊一而再。魂夢猶牽纏。
八月天氣佳。遊山此其時。好友四五人。日日相追隨。登
皋以舒嘯。臨流而賦詩。偶談洞天遊。心神已飛馳。興來
不可遏。相約攜杖藜。

膠膠雞初鳴。我已披衣起。出門逢老翁。顧我笑不已。問
翁何以笑。首搖口不語。噫噓我知之。笑我好遊耳。遊山
如此勤。百事廢不理。家無擔石儲。遊蕩仍如此。以此爲

笑耶所笑亦大是。不知我輩人。本性愛山水。祇知地炳
靈。那計厨無米。行將遊五岳。兩足踏萬里。洞天在咫尺。
不遊良可恥。人生如蜉蝣。在世能有幾。必待婚嫁畢。毋
乃太迂矣。長揖謝老翁。須知我非子。

八月初七日同周奉璋丁跋鴻蔣安壽陳文新
文耀諸君重遊太極洞得詩一首

白晝秉燭入山腹。別有天地非人間。神工鬼斧畫不出。
石皮皆作老龍鱗。我生好遊力不給。到此渾忘身病辱。
快將舊句補題石。秋蛇春蚓相縈蟠。書罷投筆一大笑。

姓字從此留仙。莫訝仙舟終古覆。如此煙霞。歎止觀。
蓬萊瀛洲及方丈。虛無縹緲。誰能攀。秦皇漢武求仙術。
妄想仙藥。尋三山。那知仙國在人世。捨近求遠。何其頑。
此中境界。頻閱歷。骨雖未換。心已仙。阿房之宮。豈不美。
一炬便化爲雲煙。洞天樓閣。真不壞。千古萬古終依然。
倘非神仙之居宅。焉能如此其安閒。諸君一見。歎觀止。
我已三到心。猶憐此身不死家。不徒一年一度期無愆。

遊太極洞得玉脂芝喜作

玉脂結成芝。此物天下少。根蒂旣玲瓏。枝葉復晶皎。萬

年產洞中奇貨無人曉。我見喜欲狂。不數藍田寶。載歸
置案頭。仙雲常縹緲。探驪已得珠。石佛無此巧。余欲取
佛已爲好事者攜去。遂載石芝以歸。秦皇欲長生。祖洲求芝草。徐福去不
回。男女舟中老。豈知芝有靈。肯殉秦無道。東坡夢食芝。
味比雞蘇好。作詩以紀夢。詩夢俱奇矯。我今真得芝。不
羨蓬萊島。蓬萊何處尋。海天風浩浩。

九日同崔仲綸。余際才。周奉璋。丁跋鴻。陳文新。
文耀家弟。莫顏姪。王泉姪。孫考。文甥。余竹孫兒。
子功忠。登雞籠山頂得詩一首。

重陽高會雞籠頂。不許微雲點太清。遠水光寒橫一劍。
羣山影亂擁千旌。忘形那辦賓和主。樂事無如弟與兄。
手把酒樽向天祝。年年此地結鷗盟。

樂貧篇

懷璧匹夫罪。有齒象身焚。天道亦虧盈。聖賢常樂貧。顏
子居陋巷。其樂難以言。淵明乞食時。吟咏自欣欣。古人
胸次間。清淨無纖塵。處困而能亨。道學醕乎醕。豈以貧
爲喜。而於富獨瞋。良由貧富權在天。不在人。素其位而
行。貧富無所分。錦段豈不華。何如布衣溫。魚肉豈不甘。

終遜醵菜根。貧居清且閒。門無車馬喧。可以讀我書。可以全吾真。淡泊以明志。無懷葛天民。

山居恭和大人韻

梨雲香滿。鴈螺黛翠。參天流水。達人性。飛花天女。禪靜中多會意。吟罷獨撐肩。謝眺如相訪。欣然割半甕。樓從山半起。窗對竹林開。快雨送涼至。閒雲入座來。多情天上月。頻照掌中杯。瘦鶴真吾伴。昂然日夕陪。

秋夜偶成

唧唧蟲吟砌。娟娟月入帷。山宜雨新霽。秋讓客先知。無

事可消遣。挑燈頻課兒。西南聲又到。正好讀書時。

壬子九月二十有二日。邀同陸子卿訪馬小梧。廣文於和橋夕陽天遠樓。卽次前韻。

最好黃花插滿頭。夕陽天遠更登樓。攜來海內無雙士。
特訪人間第一流。池上憑欄看浴鴨。沙邊鼓棹起飛鷗。
良辰美景原難再。十日何妨爲我留。謂子卿

次韻奉和孔宥涵太守兩宿東塘漁橋之作

覺時滿眼煙霞在。不是李白聞天雞。北海壺觴酌座客。
東坡笠屐來荆溪。報國不遑窗卧北。吟詩直到日沈

西甲兵要挽天河洗。那忍蒼生驚鼓聲。

甲寅七月二十三日桃溪晚泊呈孔繼鏐宥涵

太守楊振藩舊隱贊府

不到桃溪二十秋。蘆花點點白人頭。煙霞變幻徵新句。
風雨漂搖繫小舟。陽羨瓜甜堪滌暑。龍池山近好同遊。
年來濟勝慚無具。捷足登峰遜一籌。

桃溪曉望

聽雨聲初歇。推篷秋氣清。柳條籠竹屋。石磴傍瓜棚。山
市炊煙鬪。谿橋畫稿呈。無窮今昔感。回首見懸旌。

二十三日徐朗山麗金茂才邀同宿蕉隱游

龍池

且漫商家國。名山結伴遊。捫蘿探虎洞。有箇獨登絕頂。
不能倚竹聽龍湫。愛坐玲瓏石。貪看爛漫秋。紅塵飛不
到飽啜茗三甌。

龍池題壁用蕉隱韻

一入松篁裏。無窮環珮聲。龍潛尙天矯。雲嬾更縱橫。覽
勝心神曠。探奇腰脚輕。誅茅他日共。談笑了餘生。

善權紀遊歌

有序

甲寅七月二十六日從桃溪放棹至祝陵。同孔
君賓、留楊君蕉、隱遊善權寺觀六朝石幢。唐宋
古柏、碧巖、碣、祝英臺、近詞碑、飲泉、食瓜、尋九
斗洞、仙李、巖孔、君獨探水洞、見仙人田采、秋海
棠、盈掬、復遊後洞、旋登董山、摩挲東吳封禪碑
極言其勝、餘勇可賈、余與蕉、隱皆不能從、薄暮
回船作歌紀之

一輪初日昇海東。或出或沒胭脂紅。船頭鳴鉦振林樾。
布帆直指祝陵發。水如明鏡曉窗開。山似美女巖妝來。

垂楊垂柳陰如霧。鳥鳴嚶嚶索詩句。劃然長嘯聲聞天。

驚起輕鷗與白鷺。捨舟登陸曳杖行。四山含笑遙相迎。

忽逢樵叟問前路。小憩茶逢同友朋。同蕉隱茶蓬食瓜食瓜鎮

心暑可滌。放步重訪英臺宅。善權寺是祝英臺宅故址細摩支柱兩

石幢。貪看參天幾古柏。同遊先我坐禪堂。解衣磅礴聞

妙香。野老猶能談古事。蔓草荒煙選佛場。康熙年間寺僧猖獗被衆

其寺殆盡祝英臺近詞遍宋。碧鮮巖碣書追唐。飽飲山

泉探石室。山僧列炬延客入。洞門旁署仙李巖。仙李何

人僧不識。崖前古木高插天。陰如翠蓋枝柯連。蟬聲斷

續寫秋意。石壁離奇參畫禪。水流東去何時旋。山靈脈
脈不我言。回意前遊俱少年。已丑秋同紅雪開士路菴
今紅雪補之已一彈指頃歎華顛黃童白叟爭入洞左
歸道山有年矣。一彈指頃歎華顛。黃童白叟爭入洞。左
獅石象誰能控。巨石如鬼守洞門。鹽堆米堆作清供。玉
柱拔地高復高。以杖叩之如彈璫。童叟叫嘯蝙蝠舞。那
知世上有鼙鼓。紅塵飛不到此中。何論蠻煙與瘴雨。第
一福地推洞天。此時洞天眞樂土。何當結伴洞天居。彈
琴詠詩還讀書。山有蔬兮水有魚。市有酒兮田有租。飢
來飽餐飯一盂。困來甜睡忘朝晡。覺來枕席煙霞鋪。興

束。擊。節。歌。烏。烏。靈。光。不。昧。還。太。虛。得。大。自。在。樂。何。如。緩。
帶。輕。裘。將。有。儒。綸。巾。羽。扇。功。可。圖。東。山。自。副。蒼。生。望。霖。
雨。丹。楫。世。所。需。山。人。老。朽。復。何。用。含。哺。鼓。腹。遊。康。衢。我。
今。苦。無。濟。勝。具。身。輕。獨。羨。孔。文。舉。捫。蘿。直。下。搜。龍。宮。攀。
石。飛。昇。作。鳳。翥。東。吳。封。禪。碑。尙。存。日。暮。摩。挲。不。忍。去。海。
棠。鮮。艷。石。竹。奇。采。之。盈。掬。贈。伊。誰。先。生。餘。勇。真。可。賈。小。
子。笠。屐。安。能。隨。君。不。見。東。坡。月。中。遊。赤。壁。踞。虎。登。龍。適。
其。適。不。能。從。焉。有。二。客。今。日。之。遊。同。一。格。先。生。來。宜。豈。
偶。然。前。身。或。卽。是。坡。仙。何。時。歸。老。續。前。緣。築。亭。種。橘。兼。

買田再與先生春秋佳日遊善權。當作奔走偕來同我
太平之長篇。

南嶽寺

修竹碧無隙。喬柯高插天。衆山環古寺。三世破枯禪。老
衲語興廢。同遊來後先。東吳封禪地。南嶽到今傳。

放下處

一捧當頭打。衆生醒未醒。根塵能斬斷。仙佛自然成。快
把屠刀擲。須將慧劍鳴。一絲無罣礙。自在任遊行。
吾儒不勤下。處處勤操持。出處各有事。心身那肯遺。五

倫無可廢。萬物豈堪離。任重何能息。天行健不疲。

大悲閣

吾聞觀世音。存心在濟世。千日照痼瘵。千手扶痿痺。發
大慈悲心。救大苦難事。廣大靈感稱。由來古有自。現今
逢猛亂。殺人常兒戲。生靈飽豺狼。江城據魑魅。聖代
警烽烟。康衢駭旗幟。小民驚鼓鼙。天子思將帥。與師
已六年。小醜猶驕恣。聲東以擊西。虛攻而實避。勝迹遭
摧殘。古物被毀棄。讐視西方佛。火燒南朝寺。流毒波及
神。神亦無法治。殺氣衝到天。天胡爲此醉。滬上一彈丸。

土寇據更異。一年未克復。投鼠因忌器。軍儲皆徵民。民
間疾苦備。北方有勝帥。賊畏不敢至。稍解。至尊憂。
差可强人意。向軍駐秣陵。蘇杭全藉庇。六合有溫公。敗
賊數十次。宰官盡如溫。長毛敢作祟。琦雷軍雜揚。江北
可安寐。近聞壩兵潰。宜溧民驚悸。空城罕人聲。市罷無
酒肆。今適同友朋。桃溪玩山翠。親眼見流離。傷心頻出
涕。源邑移家至桃溪。源邑移家至桃溪今登大悲閣。慈顏重仰止。心香一
瓣陳五體。虔投地。一求遣雷霆。滅賊盡餘類。再求渡慈
航。拯民衽蓆置。楊枝一滴水。灑作年豐瑞。噓枯作苑乎。

誓天同拜賜

青螺閣

小閣似旋螺。憑虛發嘯歌。此間塵事少。檻外綠陰多。一

楊尙懸壁。卅年成夢婆。

余少時讀書於此。卧榻猶存。今日重來。年逾五十。白髮盈頭。已

成老叟。不勝感慨係之。

木樨香不遠。定博醉顏酡。

古桂兩株。千年物也。

洗腸池

塵容俗狀。山靈嗤欲洗。塵俗恐汙池。禪師洗腸去不遠。

池上飛瀑拋珠璣。滄浪之水濁濯足。華清之池洗凝脂。

山人足跡尙未到。舉頭天外馳遐思。同人洗手弄晴睡。

金光蜿蜒如龍蛇。移我如兀兀心如醉。忽憶卅年前故
事。携朋到此數月居朝夕。池邊共遊戲。呼童拾石池頭
寬。明鏡開奩照翠鬟。竹爐松火煮石骨。山泉俗名石骨清風永
日試龍團。眠琴綠陰歌一曲。登高臨深扶綠玉。困來坐
石浸足眠。適意何妨學海嶽。在山泉清出山濁。消受林
泉要清福。飄風發發雲飛奔。走四方空碌碌。重來變
作白頭翁。羞向清池照塵俗。

游洗腸池還至雲破月來禪室投榻酣眠被看
函喚醒遂作游仙夢歌以紀之

人言萬事不如杯在手。我道萬事何如展脚眠。翱翔四海九州名山與大川。彷彿混沌未闢洪荒前。浩浩乎如列子御風之泠然。飄飄乎如莊周爲蝶羽而化登仙。仙之人兮顏如蓮。琪花瑤草相爭妍。蓬壺方丈橫雲烟。珠宮貝闕盈管絃。吹笙彈璫集玉女。霓裳羽衣歌且舞。跨來白鶴乘青鸞。飲罷瓊漿食麟脯。麻姑搔癢指爪輕。王母投桃遣雙成。調琴滌筆有弄玉。捧茶侍硯來飛瓊。忽來吟興豪無敵。揮灑羅雲千百尺。衆仙一見欣然酬。散作飛霞半空赤。不知何處是塵寰。那識人間飛羽檄。不

知冠冕爲何物。祇解靈光還日月。遼遼一夢覺遊仙。斜陽猶在西山缺。翻身一躍下禪牀。再向留衣搜古謁。留衣庵。

留衣庵題壁用宥齋韻

卅年夢覺一聲鐘。水珮風裳憶月容。居士重來頭似雪。庵門空對兩株松。

宥齋將別我而去詩以送之

萬壑風煙大筆收。山靈下拜盡低頭。深談十日肺肝見。長嘯一聲天地秋。荒僻村墟憐我處。疲難軍務仗公籌。

誅茅虎洞何時果。未別河梁淚已流。

蕉隱言別詩以送之

聯吟豪興似兒時。故里重逢感鬢絲。某水某邱記遊釣。
論書論畫痛流離。名知海內身難隱。世變人間事可悲。
努力麟臺畫功業。休將別淚灑旌旗。

天遠堂題壁

坡公手書天遠額。闕厓春秋將八百。昔居陽羨早聞名。
今到祠堂見遺蹟。邵家祠堂何處尋。村名永定柏成林。
參天葉密千年碧。覆地枝連數畝陰。濃陰幽邃蔭祠宇。

摩窠三字如卧虎。銀鈎鐵畫誰能摹。四海九州堪獨步。
我藏蠅頭小字書。三千六百方千句。字小勢具尋丈寬。
海內公書無此過。今觀堂額結構嚴。宛似蠅頭書法度。
作書法門今頗悟。筆實氣虛力量具。世人但解臨池日。
夕用工苦。那識坡公忠義貫日月。文章妙千古。君不見。
退筆如山未足珍。讀書萬卷始通神。離名惶恐泣孤臣。
孤臣到處總思君。君門九重深莫測。瓊樓玉宇寒無敵。
猷敵常懷廊廟憂。夕陽天遠愁登樓。就中無限思君意。
揮灑淋漓一額收。

甲寅閏七月十六日邀同馬小梧陸子卿吳半
江王青選諸君攜戴姪順之兒子功成泛舟游
漏湖朝陽禪院在水庵得詩六首

結伴尋詩去。河橋共泛舟。恰逢新霽後。好看漏湖秋。老
友還能聚。兒童亦喜游。可憐雙槳動。驚起一羣鷗。

禪院入朝陽。木魚聲滿堂。知夫梅子熟。聞否木樨香。淨

問誰常樂。

菴中有聞木樨香常樂我淨等額故及之

願惟我最長。

菴中有醉願僧像

孤仙在何處。且覓黑甜鄉。陸子卿云朝陽禪院後有狐仙洞余飯後便思睡故戲及之

離家三五里。便到石頭橋。初月依然在。吟魂不可招。吳仲

倫已歸道山十有餘載過

臨流頻感逝。訪友暫停撓。吳訪

初月樓不覺恨久之

遂邀同遊。逸興知何限。清風送玉簫。

欲訪伊人所。

吳郡歐陽園隨筆載在小意湖西瀟湖明季先學士復庵公諱中行別業也名兼葭

莊額曰伊人所

公政請張居正奪情廷杖後養創於此

家人選守夜半忽有人立於前公問為誰曰奉張相命

刺公者某不忍故來告公公曰然則何不去曰尚有繼

某至者為公何之既而前曰後來者某公自此可無

患某亦從茲逝矣遂不復見至

橋低不可之何須參玉

版。遊朝陽禪院返舟子卿云曾參玉版

且去泛瓜皮。水

版師否時移尊禪院飲酒食肉故云

長

橋低快船不能過。另買小艇與小楫。月棠促膝持盞飄

兀於柳岸。蘆汀之間。如入趙大年水村漁樂圖。讀王摩

詰輞川別業詩也。

一幅大年畫。五言摩詰詩。此間真可隱。萬頃

碧琉璃。

四面三重水。瀛洲勝境開。

在水庵有瀛洲勝島額。

昔賢原不住。今

我亦無來。逸事鷺園載。歸途落日催。蒹葭何瑟瑟。臨去

復徘徊。

有客見恨晚。論文逢此間。

王少枚後到談詩論文通人也。

清尊來日對。

拙句待君刪。揮手一傷別。分途各自還。桃源欣不遠。儘

可避獠蠻。

時江南西寇未平。

八月初十日同小梧游方戟門亡友廢園看桂

感作再疊前韻

故友不可見。苔痕三徑侵。笑言猶在耳。觸目難爲心。池
水涸成陸。木樨香滿林。無窮今昔感。欲碎伯牙琴。

岬山蕩玩月歌

甲寅八月十四日。余攜子功成馬小梧。攜姪埈
東子承杜承淦。邀同陸子卿吳月棠裴玉山泛
舟岬山蕩。挈榼提壺。舉酒玩月。達旦方歸。作歌
紀之。

綏安玩月逢中秋。隣翁邀我登高樓。驚龍書生不可得。

兩山排闥風颼颼。錢塘門外西溪月。滿眼珠宮兼貝闕。
兩三良友泛瓜皮。桂花風捲蘆花雪。黃山看月奇更奇。
鳥奏青猿聽詩。蒲團松頂坐以眺。萬峰飛舞雲迷離。
去年今夕芙蓉湖。戍樓畫角吹烏烏。海濱城陷如破竹。
縱對好月誰能摹。今年今夕岬山蕩。萬頃琉璃碎飛粲。
誰把驪龍領下珠。擲來碧玉波心盪。青山疊疊抱月圓。
月光如水水如天。祇宜綠綺彈清夜。那許紅塵到此間。
綠酒紅鐙重開宴。黃童白叟俱留戀。酒闌鐙盡景更佳。
月色波光靜如練。顚僧起舞慙叟歌。玉山自倒月棠哦。

圩東作詩感慨多。一場富貴春夢婆。子卿妙語堪不磨。
高格與俗真殊科。小兒好吟亦入魔。得句不爲騷客呵。
兒子口占一詩有我輩詩人樂水影好月光之句。
子卿賞其老氣橫秋肯收爲詩弟子故戲及之。生當
聖代逢干戈。江城鬼蜮列如麻。殺人如殺雞與鷺。豺狼
有窟人無家。舉世受病無華陀。倩誰著手起沈疴。荆南
野老同蹉跎。臨深那得忘坎軻。百年歲月駒隙過。見月
當頭能幾何。今宵莫負月舒波。我持尊酒酬素娥。年年
此地來婆婆。回憶前途發歎嗟。甲兵要洗天無河。嗚呼
甲兵要洗天無河。

見聞續筆卷十一

婺源 齊學裘 子冶

吳門遊草

庚子六月移居吳門留別綏安四首

身世飄然一葉舟。憑風驅使幾時休。鶯籠儘讓書生坐。
虎阜偏將頑石留。城市山林容插脚。梅妻鶴子怕回頭。
七年去住成何事。不待言愁始欲愁。

卜居最好在山川。明月清風不用錢。清福原知造物靳。
奔波只許自家憐。梨雲追憶真成夢。仙洞迷離遠隔天。

東坡先生集卷十一
臨去依依頻灑淚。教儂難忘主人賢。

家寒頻學葛仙移。無怪人呼作大癡。數口倘能足生計。

此身誰願客天涯。遷喬出谷因求友。載酒尋花不惜貲。

散盡黃金終有獲。採囊添得百篇詩。余自入山後添詩八卷

行囊何有有琴書。差勝人家萬石儲。眼底由來無俗物。

心中久已悟真如。一廬暫傍癡翁住。謂黃穀原丈千里常懷

老屋居。收取滄浪好風月。他年決計返吾廬。

五月十三日同黃穀原嚴問樵周遠香丁漱庵

谷卓卿諸君虎邱觀競渡

畫船來去快如何。似擲天孫錦上梭。弔古伊誰懷屈子。
通辭惟有託微波。美人香草須珍惜。酒地花天好放歌。
把盞清談皆國士。霍然一病愈維摩。時余病目初愈故及之

同黃穀丈沈守之慶葆泛舟游開元寺返至虎

邱得詩四首

海上烽烟靖。東南可罷兵。湖山幸無恙。我輩且陶情。秋
興三人共。漁舟一葉輕。勝游今日事。卽此愜平生。
蕭寺一鐘動。冷然清客心。誰參戒定慧。佛現去來今。梁
棟竟無用。無梁殿江河日以深。法門真解脫。吾欲叩禪林。

返棹到山塘。園花遞妙香。青衫懷少傅。紅粉哭眞娘。石
入雲林畫。池寒寶劍光。尋詩隨處是。得句付奚囊。
登高堪縱目。平野浩無垠。近水橫林表。遙峰峙海濱。生
公說法竟。頑石點頭頻。時聽穀翁與守之談詩論事甚暢拂袖下山去。
蕭然物外身。

同穀原文守之卓卿泛舟游虎邱

各把青蚨挂杖頭。木樨香裏蕩扁舟。暢談野史兼情史。
寄興歌樓與酒樓。花柳有情招醉客。詞章何處覓封侯。
徐行一路嬋娟擁。差擬飛仙到十洲。

同穀原文守之卓卿虎邱酒樓小酌

良辰美景非長有。知己忘形亦大難。六鷁退飛江海靜。
一樽相對主賓歡。青衫不爲琵琶濕。綠酒頻因樂事乾。
乘醉登舟回首望。木樨香裏蝶成團。

癸卯五月初七日邀陸次山虎邱觀競渡作詩

二首眎次山

明珠百斛換嬋娟。那及輕舟載謫仙。朗抱如當松頂月。
清遊快擲杖頭錢。龍船尙爲靈均設。虎阜長懷短簿賢。
酒地花天堪笑傲。與君此會約年年。

步月集卷一
天憐作客太清寥。特遣長風送鐵簫。次山自號鐵簫生。弔古無

人知賈誼處。竊有志薄雲霄。琵琶幽怨青衫濕。圖畫精

靈紅袖招。時有徐韻蓮女史索海上波濤幸恬靜。好將

花月話今宵。

五月十四日李友琴璜買舟載酒邀蕭子滂陸

次山及予遊虎邱觀競渡途中遇雨大快人意

得詩二首

良朋快雨一時來。千疊愁心到此開。客子衣纔更白葛。天公意正作黃梅。煙波畫舫饒清興。檀板金尊老艷才。

放浪形骸君莫笑。雲臺不上上歌臺。次山善歌酒酣高唱聲遏行雲。
我亦天涯淪落客。萍蹤適合總前因。南村自昔親佳士。
友琴家住陽羨城。南與予敝廬相近。北斗於今得替人。子滂係蕭萬事休。
談惟縱酒一籌莫展不憂貧。男兒有志終當選。且喚漁童理釣綸。

五月二十日同守之子滂次山痛飲虎邱酒樓
醉中作歌紀之

男兒生不能成佛。生天出苦海。跌坐蓮臺觀自在。又不
能羽化登仙到十洲。遺世獨立除煩憂。貴不能腰懸金

印大如斗。建樹奇勳垂不朽。富不能金銀堆積如邱山。
大比天下寒士皆歡顏。渺然一粟寄天涯。蓬轉飢驅喚
奈何。空腸時如蚯蚓叫。落魄時遭醉尉呵。千詩不值一
文錢。八斗才華誰肯憐。窮猶未已還多劫。徃狂傲世悲
青蓮。不如呼儔結伴上吳船。春衫典却沽十千。登樓痛
飲鯨吸川。曉風殘月酒家眠。富貴不知爲何物。多情則
佛達則仙。塵寰狹窄不可住。醉鄉廣大堪流連。嗚呼醉
鄉廣大堪流連。

次韻和次山虎邱飲酒之作

天隨胸次淨無塵。皓月光明是後身。客作三年因一笑。
予寄居蘇臺。詩成四韻定千春。吹簫吳市誰同調。畫壁
已及三載。旗亭大有人。浩蕩沙鷗真我侶。碧波萬里孰能馴。

十月初十日次山將至上海黃丈穀原招同蕭
君子滂沈君守之翔之昆季載酒天平山餞別
作詩以贈

唱到驪歌不可聞。離筵猶是細論文。停輿且看萬紅樹。
策杖同登三白雲。石壁玲瓏開古畫。湖波浩縹捲斜曛。
登高敢謂吾能賦。擬向詞壇借一軍。

紛紛落葉看無邊。客子情懷各黯然。蕭寺鐘聲驚旅夢。
寒山花信約殘年。時與次山訂節題名敢望他時績。次
飲題名勒石。尉探梅之約把酒還疑宿世緣。勝友難逢那忍別。離愁
於天平山頂。飛去碧峰巔。

癸卯十一月十日雪中購得水拓瘞鶴銘於吳

市詩以紀之

我生好古成癡顛。搜求斷缺揮金錢。衣裘典却厨無煙。
金石到眼仍流涎。鶴銘書法空後前。議論精確惟庭堅。
紛紛聚訟且勿喧。謂右軍書吾信焉。蘭亭石化孤飛鳶。

世間遺蹟希流傳。剩此焦山石一拳。雲羶浪打留江邊。
字畫剝落多不全。一輪明月藏雲間。神龍掉尾矯可憐。
美人半面何娟娟。大字無過誠哉言。如玉之潤如珠圓。
夢想水拓亦有年。偶爾得之真前緣。其時隆冬雪滿天。
昏暮持歸燈已然。衝風冒雪忘饑寒。欣欣如獲驪珠旋。
傳家何物一硯田。臨池得此逢成連。上皇山樵書中仙。
鶴壽有極銘長縣。定武蘭亭得比肩。夜深寶氣騰星躔。
予舊藏定武蘭亭真蹟希世之寶也。溫柔白雲都可捐。不羨米家書畫船。
賞心樂事書一篇。擲筆一笑抱銘眠。

易畫歌

先君舊藏唐六如所繪墨菊立軸平生得意之物也。失落人手。蓋亦有年。癸卯十一月二十三日。裘於吳市。重見唐畫。卽以古玉二器易之。而歸。敬謹收藏。作易畫歌以紀其事。

六如繪事無不精。最難得者惟秋英。先君購得一籬菊。珍藏愛惜如連城。不知何時落人手。遺蹟一失猶龍騰。人失人得何必楚。古亦有說愁何榮。要知父物非弓比。言猶在耳難忘情。
先君得畫時訓表曰六如山水人物流傳尙多惟墨菊絕少尤足寶貴

一朝吳市重見畫。不覺悲喜來交并。品題遺墨依然在。
牙籤玉軸摺光晶。年來作客貧徹骨。囊空無錢買豈能。
舊藏古玉有二器。白璧黃琮皆著名。以玉易畫真韻事。
珍重持歸喜不勝。珠還合浦川自媚。璧歸趙國秦休驚。
豈惟唐畫足典貴。手澤猶在堪依憑。薰沐題詩紀歲月。
歲在癸卯月嘉平。蔡麓難謀詩且賦。高興不讓陶淵明。
六如題畫詩云先生高興近如何。蔡麓難謀詩且賦。
歌祀菊一蘿秋計熟折腰安肯佩鳴珂故并及之

石樓

不到石樓興不來。太湖回望盪胸開。天然一幅山樵畫。

萬樹蒼松間野梅

還元閣

舊遊重到記依稀。猶是湖光接翠微。遙望白雲思往事。
戊寅春裴侍先君探梅到此忽忽二十三年矣

臘八前一日遊虎邱用東坡虎邱寺詩韻

小艇泊虎邱。着屐登層嶺。修竹舞迴風。苔枝敬古井。水
雪積雪根。路滑心耿耿。劍池清且深。時寒無蛙黽。說法
懷生公。講臺臨古壙。相彼點頭石。峻嶒如虎猛。小坐靜
觀齋。日游懷亦騁。遙望塚纍纍。不覺興衰哽。茅屋雨三

家。平疇千萬頃。遠水際天末。搖蕩劍光冷。俄然夕照鋪。
日短苦不永。安得持長繩。繫此欲落景。登舟回首望。微
茫見塏影。重遊固所願。豈口不敢請。

鯉魚洞

穹窿遊已徧。尋路往光福。亂石如米聚。舉步殊窘蹙。偶
然得小徑。稍可安我足。下臨深莫測。鳥道似巴蜀。巨石
撐天高。巍然礙人目。一片忽突出。如雲蔽空谷。入洞探
淺深。新鮮苔蘚綠。以石投其中。聲音如轉轂。小坐望太
湖。湖光三萬六。夕陽銜遠山。好鳥鳴林麓。山花紅欲然。

無人自開路。惜未攜佳醕。席地相對酌。擬買數畝山。於此結茅屋。匪惟避炎熱。亦可遠塵俗。茲願果能遂。何羨蓬萊閣。慄乎難久留。狂風驟作惡。乃識神仙宅。未許人寄託。登舟月已升。移向楓橋泊。

常雲峯

陽山之峯何嶙峋。巨石千仞常出雲。我立雲峯最高處。白雲縹緲纏吾身。須臾日出雲徐斂。太湖一片波光閃。羣峯矗似戟森森。古木紛棲雅點點。小憩恰有文殊菴。青龍泉水香且甘。雲外疎鐘催客去。老僧指點下山路。

空谷鳥啼似有情。半山好石頻回顧。嶺西夕照去飄忽。
仰視青天見新月。夜行山下寂無人。游興未闌詩興發。

丙午上巳雨中同黃秋士許蘭餘丁徵安探梅
白馬澗通濟庵作詩呈諸君并寄覺阿

去年探梅二月二。晴日烘花花未墜。今年探梅三月三。
狂風驟雨愁花殘。來遲開遲早開早。花如相待情何如。
一幅天然古畫圖。寒林積雪營邱稿。天公不遣雨催詩。
探梅便覺平無奇。莫嫌風雨敗遊興。節近清明雨及時。
踏雪騎驢題太舊。不如開軒聽清溜。人道春寒花放遲。

我說花遲春便瘦。住持旣晤覺阿僧。佳客重逢韋君繡。
談詩讀畫并校琴。蒲團塵尾清人心。大千世界視微塵。
人生苦被憂患侵。安得蕭然物外身。結廬花下日開樽。
孤山處士招爲隣。羅浮仙袂遙相親。巡簷索笑怕我神。
不義富貴如浮雲。鼎鼎調羹自有人。百花頭上吟朝昏。
詩成寄與梅花神。五百梅花縈夢魂。

九月十三日招同楊蕉隱周小漁遊虎邱得詩

三首

不放良辰過。攜朋作勝遊。快搖雙櫓去。飽看一天秋。劍

已池中棄書。堪石上搜。莫談興廢事。且把姓名留。時擬題名

不勒

逸興那能遏。尋幽到上方。臨風懷少傅。掃石拜眞孃。地
結詩壇古。山添粉黛香。徘徊不忍去。塔影卧斜陽。
生公休說法。我且立山巔。宇宙收雙眼。虛空碎一拳。懸
崖思勒馬。歸路要乘船。載得芙蓉返。看花夢又圓。

洞庭君祠觀供感賦

恍覩龍宮寶藏開。珊瑚玉樹擁樓臺。君逢貴主登仙籍。
我拚浮生寄草萊。填海無由成絕恨。安瀾有祝仗雄才。

蒼然暮色來天外。一路笙歌送客回。

洞庭君祠神絃三曲爲廟令譜

迎神

洞庭波兮茫茫。具區水兮泱泱。焚椒蘭兮奠桂漿。望君
王兮歸故鄉。靈鼉之鼓兮。鮫綃之裳。辭七澤兮凌三湘。
維桑與梓兮。惟神之徜徉。神之德兮無彊。神之福兮孔
將。雲爲旗兮風爲馬。望君王兮飄飄而來下。

娛神

雲之君兮山之鬼。巫之娥兮湘之妃。子彼皆遨遊乎楚

之山兮。棲遲平楚之水。孰若君王兮。歸來乎桑梓。江之
離兮。沅之芷。可采而玩兮。不如薝蔔之滑。雕胡之美。神
歸來兮。鄉人喜。邦之彥兮。冠且履。館之娃兮。羅且綺。登
神之堂兮。拜且跪。奠酒漿兮。陳簠簋。瓊筵張兮。笙歌起。
舞霓裳兮。舒紅紫。奏羽衣兮。流宮徵。于胥樂兮。曷云其
已。惟神之靈兮。鑒微忱兮。孚衆之情兮。莫可名兮。濯厥
靈兮。赫厥聲兮。望華旌兮。來爲迎兮。擊金鉦兮。送神行
兮。願君王兮。毋望此故鄉兮。

送神

吳之山兮青青。吳之水兮泠泠。仙尉寄兮短簿。靈神何
樂兮洞庭。願神留兮神且聽。神胡惜兮鸞驂停。鄉之人
兮薦椒馨。長洲之苑兮沛上之亭。龍宮主兮伶俜。望神
歸兮湖之汀。送君王兮涕零。神回顧兮駐雲輶。語鄉人
兮鄉人。怵他日之日來相見。

十一月朔日同麗江赴約軒探梅訪友之約至
石巖橋約軒已先發矣退與迂伯登鶴鳴樓茶
話明日約軒以詩見示次韻奉答

五百梅花探有約。凌晨攜侶特尋君。誰知詞客搢舟去。

早把心香到處薰。妙諦定拈林下月。相思都寄隴頭雲。
無聊忽發登樓興。細與高朋話夕曛。

虎山橋

探梅三五次。今到虎山橋。何時明月夜。得領玉人簫。

石壁

直上蟠螭頂。湖波一望賒。心胸開浩蕩。風日逞光華。峭
壁當空立。修簞倚檻斜。妙香通鼻觀。繞寺盡梅花。

萬峯臺

吟肩高聳萬峯臺。七十二峯圖畫開。花氣氤氳留客憩。

波光潏灩送詩來。休談海國增愁緒。好借晴嵐照酒杯。
妄擬誅茅以終老。山靈未必許庸才。

香雪海

久別梅源念梅樹。吾家在婺源梅源山下。老屋疎籬渺何處。探梅
到此心茫茫。花下徘徊不能去。

鄉國千山復萬山。梅花如雪照孱顏。絕頂終難見鄉國。
孤亭高峻不須攀。余到半山興已盡矣。遂與宋石甫席地而坐。子梅強余登絕頂。竟不能從。
因作此詩

琴臺

絕頂登琴臺。豁然開眼界。衆山盡低頭。五湖如束帶。三
萬六千頂。到眼何其隘。七十有二峯。微茫葍草芥。不作
絕頂觀。焉知乾坤大。滾滾翻波濤。潺潺飛石瀨。萬壑松
風鳴。深林鳥聲怪。斜陽動晚鐘。遠岫帶春靄。披襟發長
嘯。聲振浮雲外。狂風捲地來。當之真大快。八耳皆琴聲。
天籟雜人籟。何必調朱弦。塵胸方可汰。海上尋成連。徒
償行脚債。到此傾遺音。吾師當肅拜。

靈巖山館

蔣氏墓祠

青山到處堪埋骨。且作劉伶荷鍤來。喪欲速貧死速朽。

墓傍何必築亭臺。

橫塘舟中聽雨子梅得詩次韻奉和

一葉橫塘泛。連牀話暖寒。雨聲篷背猛。花事嶺頭殘。心
了調羹慕。詩留舉世看。羨君遊似鶴。到處得盤桓。

舟泊山塘遲王子梅不至

畫舫泊山塘。遲君到上方。冷然一聲磬。無語立斜陽。

虎邱夜泊聞角有感

壽字同安慶太平。角聲徹夜聽分明。可憐填海無窮恨。
暗逐山塘春水生。

吳門八月十五夜玩月偶占

天涯留滯總無端。如此良宵獨倚闌。樹杪紅樓簾半捲。
幾家人月共團圓。

登樓呈黼閣

天朗風清一望秋。秋光如此儘消愁。遠山排闥橫螺黛。
孤塔凌虛出虎邱。雲樹不教撩別緒。江湖好去問扁舟。
今朝償得詩心苦。高咏金閨第一樓。

登樓話別呈黼閣

攜手上高樓。同看萬里秋。溪山幸無恙。身世莫關愁。知

已難爲別。賞音何處求。酬君三疊曲。歸去狎沙鷗。

九日登北寺塔

登臨恰對夕陽明。始信人間重晚晴。九日良辰山太遠。
四天空界塔孤撐。秋深吳苑烏成陣。水漲胥江綠進城。
遊子思親今倍切。白雲遙望不勝情。

吳門喜晤仲仁

三年勞夢想。相見在吳門。客舍聯今雨。秋心警放魂。好
將愁共掃。贏得句重論。擬泛山塘棹。花間酒一尋。

謁洞庭君祠感作

人間事事盡中樓。君自乘龍我狎鷗。碧海有書傳錦鯉。
銀河無翼渡牽牛。神仙也。迷尊鱸。願祠廟。聊同士女遊。
何日岳陽停釣楫。披襟飽看洞庭秋。

八月二十日姚梅伯邀同雷約軒王璞臣青選
吳市酒樓痛飲暢談作歌紀之

連宵雨勢來不已。掩窗枯坐愁欲死。西風吹散滿天雲。
一笑出門訪姚子。我時病目羞殘陽。吳市鬻塵不可當。
緩步走街泥滑滑。登樓就宴風浪浪。一杯在手萬事足。
坐觀秋漲搗天綠。諸君飲酒且勿喧。聽我顛僧歌一曲。

曲終狂叫驚四筵。吳市何來李謫仙。昨宵聽雨擁小妓。
今日飲客無嬋娟。令我顛僧不快意。不得與君談艷禪。
幸有二王與約軒。才華磊落情纏綿。笑我顛僧顛復顛。
昂藏七尺無一錢。妻孥少歡僅僕去。四方賓客來源源。
求書索畫徵詩篇。徒勞戶限將踏穿。哦詩高聳山字肩。
偶得佳句心怡然。不慕人間富與貴。喜聞獨鶴鳴青天。
嘻笑怒罵歌且泣。徉狂垢汙誰其憐。世上小兒笑拍手。
路旁新鬼且却走。樓中佳麗呼癡老。吳中妓家呼街頭
余爲癡老爺乞丐唱拙稿。吳中有老丐唱余舊題陳忠愍
公遺像詩爲活計者故及之竹王木客

聞顓名。豈特魂飛骨亦驚。手無斧柯。仗管城。管城之下。
多甲兵。知己相逢。顓興發。仰見高高一明月。嫦娥賞識。
酒徒狂。寶鏡開奩。照華髮。飲君酒。傷我懷。年將半百。願。
未畢。依然冷落愁天涯。諸君聞我語。淒然聲暗吞。萍踪。
浪跡偶一合。同是東西南北人。今夕論心膠投漆。明朝。
分手越與秦。落月照梁。想顏色。停雲致雨。馳心神。一番。
歡會一番怨。東飛伯勞。西飛燕。不如閉戶坐蒲團。還我。
顓僧本來面。

裴寄寓吳門爲刻先人遺集法書以及歷代名

人墨蹟於今已十二載矣。客舍將頽，大有杜老
茅屋秋風之嘆。一寒至此，豈易移居。攜畫出遊，
冀得微資，另圖遷徙。舟中兀坐，悵然有懷，作詩
四章聊以遣興。云爾。時辛亥十月四日也。

笑比陶朱任意行。家經三徙未成名。銜泥慣作巢梁燕。
遷木難爲出谷鶯。塵世幾時醒客夢。海天何處着浮生。
可憐十口無依傍。全仗空空妙手撐。

欲僦幽蘭名屋數椽。看囊祇剩一文錢。壯吾行色書兼
畫。挂席松江浪拍天。倘得財源如水廣。何愁甲第不雲

連長風萬里從今始。不受人間坎壈纏。

天公不負苦心人。定植喬柯庇此身。虹出扁舟貫初月。
江分一勺活枯鱗。但求斗室能容膝。便坐蒲團習鍊神。
養得目光依舊好。大游五岳了前因。

先人亦有敝廬在。陽羨新安兩處家。祇爲遺書付剞劂。
不遑作計理歸槎。雲山迢遞空興歎。琴劍飄零未有涯。
玉女銅官那忍棄。最難忘卻。是梅花。
吾家星江梅源山下梅花最盛

舟次魏塘重訪南園展謁黃丈霽青墓感賦

不到南園十二年。重臨水月淚潸然。
小竹林園水月窟是余庚子春下榻

處也。余來意下水月依然而丈已歸道山三年矣。不勝感慨係之。先生騎鶴辭塵世。令子關門守硯田。謂俯三徑新篁無俗韻。千秋盛業有遺編。遙知地下掀然笑。白髮門人拜墓前。

見聞續筆卷十二

婺源 齊學裘 子治

江淮湖海紀遊詩

煙雨樓

携朋載酒快登樓。四面湖光一望收。飛去鴛鴦應廿六。
歷來煙雨幾春秋。何須作賦傷懷抱。莫浪題詩在上頭。
無盡勝情那可遏。扣舷唱晚有漁舟。

二月初五日康爾九子靜招同伯宏陶珠泉并
其子侄遊西湖口占絕句八首

一湖清水碧連天。萬疊春山笑入船。更得春風同載酒。
可無新句紀長緣。

波光澹蕩足清娛。到此塵埃一點無。得以洗心兼濯筆。
快將杯酒奠西湖。

西湖此際少繁華。最好孤山處士家。開徧梅花三百樹。
夕陽影裏看橫斜。

將軍慘受東窗毒。行到墳前淚自傾。不識清涼老居士。
騎驢過此若爲情。

西泠橋下水悠悠。松栢同心感昔遊。死葬湖堤真是福。

錢塘蘇小竟千秋。

刻竟傷春杜牧之。小青墳畔立多時。人間若箇癡於我。

我被人呼作大癡。余癡於詩有年矣人皆呼爲大癡殊可笑也

沿隄一帶柳初黃。青眼窺人意更長。寫入畫圖真妙絕。

樓臺明滅露紅粧。

三潭雨過竹蕭蕭。長短亭連曲折橋。不信煙巒如此好。

縱無明月也魂銷。

飛來峯

尋詩忽到飛來峯。洞雖不深尙玲瓏。鑿岸貌出諸天相。

可惜人巧非天工。境比靈巖萬不及。吾鄉靈巖曰洞仙
以奇遊人紛紛誇第一。無佛稱尊入辟支。孤覓搜奇一
枝筆。

吳山

最好吳山境。襟江復帶湖。峯迴堪立馬。潮到駭騰駒。形
勢不足恃。婆留空霸圖。登臨無限意。仰見月輪孤。

十六日招史仲仁麟遊西湖同坐孤山梅林得

詩一首

招來名士看名花。先到孤山處士家。鶴去亭空堪倚杖。

梅開香在好嘗茶。高風景仰情何限。佳句吟哦思更賒。
籬下依然水清淺。請君浣筆寫橫斜。

同仲仁湖樓小酌

痛飲杯中酒。飽看雲外山。湖留千里客。天許兩人閒。柳
線牽離恨。花光惹笑顏。春禽如惜別。相對語綿蠻。

湖中看雨作歌呈仲仁

春雲如絮粘長空。日出未出光朦朧。三點五點杏花雨。
一絲兩絲楊柳風。士女紛紛恣遊騁。湖山如睡呼不醒。
須臾西北風聲號。湖平如鏡起波濤。雨勢翻盆來不已。

恍在米家圖畫裏。可憐千樹好花枝。頃刻飄零剩無幾。
登舟重把酒尊開。豪興忽從天外來。晴湖不及雨湖好。
四山縹緲如蓬萊。醉眼模糊看不厭。左來楚舞右荆豔。
前年黃海大移情。今日西湖又留戀。留戀復留戀。年華
暗中變。雪花飛上頭。不是本來面。望君快作出山雲。澤
被蒼生。了初願。再來問舍居西湖。應勝買田住陽羨。

別西湖兼別同遊諸君并槎仙

樂水敢言智。情懷於此鍾。休歌金縷曲。忍別玉芙蓉。好
友尤難得。佳人不易逢。行行莫回首。回首更愁儂。

辛亥十月十四日高小垞招同魏滋伯項建霞

邵子舫西溪泛棹止宿護生菴得詩四首

曉起出錢塘。徘徊松木場。吟翁如鶴瘦。

謂滋伯

先我立溪

旁。啜茗談詩畫。論資買野航。主人來已午。攜手上河梁。

遲客客已至。和將同泛舟。沿山知幾曲。溪水碧於油。打

梁村姑嫩。穿林翠羽幽。蘆花殘似雪。種種上人頭。

池面一何濶。

放生池

老魚潑刺鳴。此中堪脫網。善護始資

生。阮雲台有聯句云須知天地多生育總要人家要體

前賢意。明嚴忍公子願亭官給諫。曾杭人創千斤池。放生之舉。國朝慕鶴鳴南海人知錢塘時重興。

放生杭人思非圖後世名。願除真是樂。濠上漫移情。
之奉祀於此。最愛濠間舫相依。是水雲。蒲風鳴。淅淅。蘆月白。紛紛。且
盡杯中酒。休論世上文。因緣香火地。長策望諸君。護生菴住
持僧屢以乏食求退。故及之。

西溪泛月作歌呈高小垞項建霞

我來西溪十月望。尋詩先到濠間舫。高談暢飲興無涯。
重上瓜皮飛雨槳。空明一片水接天。月光倒浸波心圓。
此身飄飄何所似。真如遺世獨立羽。化而登仙。溪上遠
山著煙白。蓬壺可望不可卽。回看樹裏有高樓。簾捲窗

開玉人立。珠宮貝闕是耶非。翠竹深深燈影微。簫聲烏咽。忽到耳。古寺蕭條靜掩扉。西風陡起捲蘆葉。吹落蘆花如白雪。雪花點點飛上頭。不待琵琶始淒切。紛紛仙思載扁舟。彷彿乘槎到斗牛。何須織女贈機石。祇要嫦娥伴夜遊。往復清流曲更曲。霜寒露冷看不足。明春重約諸君來。吟過梅花詠新綠。

菱蘆菴

菱蘆何必易交蘆。

董香光書菱蘆菴三字以鑲山門。國朝梁山舟重書交蘆菴三字以補。

其明鏡菩提總是無。我愛此間多野趣。天然一幅水村

圖

當年先子到僧家。壁上題詩寵碧紗。道光二年先君遊西溪題詩付僧今

楮墨如新

彈指已過三十載。空勞清夢繞梅花。

菴傍梅花最盛

臘月十二日夏靜甫參軍周存伯豪士錢耐青

少尉邀同應敏齋孝廉孤山探梅作歌紀之

客子舟居苦落貧。良朋相招探梅萼。有梅無雪太蕭條。
龍公試手堆瓊瑤。賞心樂事有如此。狂奴故態復萌矣。
輿夫負我出郭門。瞥見湖山笑不止。紛糅滿天何所似。
洋洋灑灑如擲米。不知何處藕香居。但聽聲聲呼客子。

敏齋絕句題我詩。大筆揮灑何淋漓。耐青贈章意何壯。

誰來管我顛和尚。

王彥卿譜。豔禪一折。以我扮作顛僧。姚梅伯用元曲語見贈耐青鐫章惠。

我真佳。

靜甫袖出五君來。狀貌如生圖畫開。

見示新著五君詠絕。

話也。

存伯開口笑我笑。笑笑先生領眾妙。翻身跳上玻璃

舫。南峯北峯玉朗朗。天然一幅李營邱。妙絕此畫誰能

倣。樓臺明滅山有無。同雲擁護孤山孤。孤山孤絕誰肯

廬。千秋祇有林家蓮。梅妻鶴子今無恙。依舊巢居閣上

居。我來山下探君梅。幾枝臨水將次開。我來亭邊相君

鶴。仙翮欲展翔寥廓。慕君高躅到君家。把盞邀君醉流

東坡先生集卷三 二 夕
霞支頤枯坐笑不語。笑我浪跡何自苦。有山不居田不
耕。四方奔走徒勞形。我謝逋仙豈得已。志遠不歸如此
水。

十四日應敏齋邀同高小垞王小鐵夏靜甫周
存伯錢耐青王青選飲於宜舫游湖訪勝分韻
得雨字作歌紀之

隆冬遊興誰其鼓。舊雨招邀又新雨。湖山深秀甲東南。
人物高超冠今古。當茲美景兼良辰。復得酒龍與詩虎。
縱逢暮客天涯。那許閒愁縈肺腑。掃除俗慮付奔流。

搖曳吟魂藉柔櫓。眾山朦朧睡未醒。一水清空魚可數。
叢祠古木插九霄。蕭寺疎鐘飄幾杵。梅妻鶴子羨逋仙。
水佩風裳惜神女。瓣香端爲眉山陳。憤氣咸從鐵口吐。
故人畫壁尚依然。陸次山通守畫壁金沙港。勞我馳思頓無語。朋儕
把酒共歡呼。客子懷人何自苦。舉杯便作玉山頽。倚劍
還思渾脫舞。狂奴到老興尚豪。高會難逢句堪賭。鴻泥
恰好印孤蹤。驪唱偏工掠別緒。安得移家翠靄間。長與
諸君晨夕聚。橋邊雪映夕陽紅。臨別贈言須記取。

錢王廟訪蘇文忠公書表忠觀碑

停輿尋勝跡。入廟謁婆留。潮射三千弩。霜寒十四州。霸圖何處去。碑碣此間搜。細玩不能釋。墨光明兩眸。

靈芝寺與蓮衣上人論書

野寺面湖寂。高人長閉門。書探六朝趣。上人善書法香爇一爐溫。相對篆煙繞。同參屋漏痕。飲茶談入妙。清磬報黃昏。

暮秋遊焦山恭和大人用屠琴鳴先生胥江唱和圖詩韻作歌呈借公

思與高人談對榻。鼓棹滄江訪詩衲。迷茫萬里水天連。

蒼翠雙峯雲木合。遙看霜葉紛爛漫。誰道秋巖苦衰颯。
青山千疊送舟行。小者如螺大如蛤。維舟先扣海西菴。
五尺僧雛啟山闔。禪堂清淨絕垢染。法界森嚴罕塵雜。
借公似鶴飄然來。示客鼎鑪開古匣。伏波銅鼓新送至。
以杖撾之聲過闔。談禪苦無玉帶解。療疾快將丹井汲。
欲窮勝覽上危崖。棧道崎嶇遂超躡。倚樓西向望江源。
不見荆門況巴峽。金山北固宛肩隨。叢爾松寥貼肩胛。
誰能畫出江吞天。坡老只言舟一葉。憶昔尋梅到鄧尉。
佳客兩三言笑狎。九江太守跨驢來。元墓相逢各長揖。

五嶽眞看落筆搖。百川直可銜杯納。繼同家君縱棹遊。
小子未能隨杖笠。離合人生要有數。哀樂中年不勝集。
善歌自使人繼聲。敢道鶴鳴其子咎。古人來者兩不見。
往往登臨多感泣。我來幸遇文長老。跡是新知情久洽。
海門石壁共逍遙。經卷詩篇同涉獵。雲門一覺昔年曾。
虎溪三笑今方接。疎鐘幾杵催客歸。鐘聲潮聲兩相夾。
江山如此不能住。總有他遊同嚼蠟。待到梅龍大著花。
風雪滿江來度臘。

東昇樓觀日出

披衣上高閣。洗眼望瀛東。海底一輪湧。江干千嶂紅。雲霞真綺麗。天地尚朦朧。幾杵晨鐘動。潮來起大風。

自然菴返魂梅

樹豈蒼龍化。孫枝尚蜿蜒。風雷前度劫。冰雪再生緣。苔點根如石。花開香到天。孤高誰得似。千古一焦仙。

楊忠愍公詩刻

詩約唐荆川同遊有楊于懷人渡揚子椒山無意合焦山之句

刻石海

雲菴

中流一砥柱。楊子獨鍾情。鼓棹動詩興。臨風懷友生。江山合姓字。筆墨重滄瀛。萬古英靈在。寒濤怒未平。

癸亥夏五月望日大風同師筠張君都天廟渡

江到焦山得詩二律

浪湧如山未足驚。世途凶險更難行。興高天地難爲阻。
命薄江潭自覺輕。一葦忻同良友渡。雙峯宛似故人迎。
回頭便是菩提岸。浙瀝菰蒲作雨聲。

倏忽松寥別十年。山中猿鶴笑華顛。須藏芥子羨僧樂。

訪詩僧大須芥航。頭訝焦公輸我堅。賊入山斫焦仙石象頭損其半賊陷

蘇城賊以石擊余腦。腦尚無恙老筠笑謂。亂後無從詢

石佛。余曰焦公頭不及君頭之堅故戲及之先大夫梅麓府君曾送唐石佛入人間何處覓坡
焦山安置海西菴今無此石佛矣

仙流民羣聚汙泉石。料得山靈亦泣然。

同老筠宿焦山散步

飯罷伊蒲出寺門。禪堂鐘鼓報黃昏。名山有分緣非淺。
古佛無言道自尊。江月岫雲爭媚客。竹籬茅舍竟成村。
流民住山甚衆明朝早起君須記。閣上東昇看海暎。

同老筠宿焦山禪房

明朝事有明朝在。無負今宵一睡酣。夢繞山前復山後。
身忘江北與江南。逢人恥作銜枚馬。遺世輕於脫繭蠶。
共宿仙巖非易易。休言佳處結茅菴。

贈焦山詩僧芥航

昔與借公遊。我時尚年少。談禪鬪機鋒。登臨發狂叫。詩

成正有道。得意掀髯笑。先子送石佛。茶農圖繪妙。先大

唐石佛入焦山。置海西菴。借菴倩張茶農解元繪圖。徵

詩林少穆文忠張芥航河帥程春海祭酒詩名公皆有

題詠。先大夫作歌紀事。命襄和詩。借菴亦題一律。襄皆

勒石。擬送焦山庚申之變。賊陷蘇城。賊將石堵作友來

巷門。同時諸名公題詩相照耀。小子亦有詠。刻石公同

兩壁。調石未焦山送賊已蘇臺。燎所幸拓本存焦山。獨留照

可否石入山。亂後誰能料。今來訪芥公。雙峯同登眺。山

路尚堪尋。流民真可弔。昔日精廬中。今皆聞鬼嘯。何必

感滄桑。快把來船掉。揮手謝詩僧。他時約遊釣。石存送入山。繪圖留仙嶠。石上證三生。山靈莫予誚。

題芥航上人守鶴圖

鶴去千年銘不朽。師來守鶴鶴鳥有。有人言守鶴卽守山。名山終古無孱顏。借曰守鶴卽守法。法本無無守何業。若云守鶴是守心。覓心不得空沈吟。嗚呼噫嘻我知矣。師圖守鶴亦偶耳。遊戲神通示眾生。披圖放出大光明。千鶴萬鶴飛且鳴。聞師一喝寂無聲。我欲乘鶴遊太清。問師借鶴師不應。浪破萬里長風乘。

贈雪航上人

飢來喫飯困來眠。寄跡名山了宿緣。餘地種蕉書有紙。

揚州騎鶴夢如煙。

師曾蜀岡開講堂。亂後任焦山。

喜開甕牖憑烏几。懶

結茅菴號綠天。

上人書。

我亦前身僧一箇。輸公叅透指頭

禪。

喜晤几谷上人

昔聞几谷名。好讀几谷畫。欲見几谷難。几谷勞心挂焦
山。尋舊遊。詩僧訪老芥。飯罷縱清談。客懷今始快。老衲
似鶴癯。相見同一拜。云是几谷師。覲面輒驚怪。歷劫尚

未死繪事那能懈。太華山久焚衣食。仗畫買出家累更。
多米鹽難了債。弟子銜峯僧遭難。聞甚憊。吳門寶積寺。
不知完與壞。日落鐘磬動未了。家常話。何暇論六法。流。
離悲世界。門外不平鳴風濤。起滂湃。

同老筠訪自然菴返魂梅不見感作

自然菴內曾三宿。今日重來屋半分。借問老梅無恙否。
僧雖笑答久無聞。菴爲夷商
僦居其半

陽羨儲少瞻吾故人西屏之再姪也聞余遊焦
山卽從象山放棹來訪話舊嗚咽招遊象山作

詩贈之

少瞻故人于相見在焦山握手如夢寐喜極涕淚潛舊

交半爲鬼怪事心膽寒忠孝不苟生罵賊氣節完吾友徐迂

伯罵賊流淚上被殺面如生真善人竟無後天道太忍

偉丈夫也爲吾等生色多矣

殘西屏幼孫被賊衝散不知所在君母在琴川兵亂尋固難且待奏凱

歌道路盤查寬兒在母自存母存兒始安勿以千金軀

輕投虎狼關邀我遊象山石室頻往還江北到江南一

笑破愁顏贈我杖頭錢送我立江干他日如相訪期君

賣魚灣余時借住石港于壻漢卿家

別老筠

名山遊已畢。送我返崇川。風月情如佛。煙霞思若仙。窮途增氣色。好夢又團圓。揮手無他囑。新詩寄數篇。

三月二十三日丁君月湖邀同馬君子良泛舟

至崇川遊狼山作詩十首以紀其事

月湖遊興發。邀我來崇川。舟從石港開。遇雨泊河沿。三人促膝談。夜深猶未眠。不知身在客。一笑參豔禪。天明鳥喚客。村店聞喧譁。維舟問何事。上岸買青蝦。彷彿文信國。一葉落天涯。迢迢七百年。風物總無差。

薄暮泊城南。雨止欣晚晴。竹林何幽邃。求友鳴春鶯。竟夕不成寐。欹枕聽柝聲。三甌小團月。策杖向山行。

行倦坐籃輿。非是學彭澤。入社不攢眉。芥公稱詩伯。飲

虹澗水清。煎茶供渴客。茶量笑盧仝。七椀喫不得。準提菴芥

舟開土工詩頗有道氣

松岡蒼翠滴。直上大觀臺。滾滾長江去。滔滔碧海來。英

雄洞易盡。終古恨難裁。萬里望不極。心胸到此開。

人言上山遲。不如下山疾。老人則反是。下山愈戰慄。問

其所以然。目昏足易失。縱無濟勝具。好遊如食蜜。

下山望三墓。

路肩王金將軍劉處士

欲訪日已晡。遍觀諸石巖處。

處入畫圖。昔名千人洞。今作乞丐廬。峭壁肖天平。令人

思古吳。

歸途興更豪。一步一回顧。轉瞬白雲封。翠微不知處。似

聞山靈笑。福地翹然去。拱手謝山靈。秋高再來住。

回舟雪復合。雨意欲催詩。數點打篷響。聲聲如敲碁。剪

燈說見聞。笑傲成顛癡。合作同舟圖。無忘風雨時。

萍水偶相逢。殷勤將酒送。一杯勸一杯。醉倒畢卓甕。不

作入世想。端做還鄉夢。醒來酬小詩。諸君請題鳳。

狼山觀海歌

君不見今之天下皆滔滔。豈止滄海驚波濤。望海樓頭
一縱目。雪山萬道飛寥廓。百怪出沒蛟龍游。排空海市
連蜃樓。中有三神山。綽約多仙子。欲往從之不可抵。弱
水隔斷三千里。無端滄海成桑田。倏忽桑田變滄海。海
濱保蟲園不已。近聞賊潰回紇矢。江淮保障許與張。滬
濱支持邵和李。吳越已驚雙鳥飛。海陵空見五山峙。曩
日材官不畏死。東南半壁何至此。手無斧柯誅猊鯨。徒
仗毛錐建義兵。安能鬱鬱久居此。坐視狂寇傾人城。腐

儒呻吟天應泣。天亦胡爲而此醉。海內何時慶父安。天
涯此日悲多事。昨夢騎龍騰九天。接踵盧敖尋軒轅。左
把母陀臂。右拍洪崖肩。驂鸞駕鶴來羣仙。仙之人兮顏
如蓮。朝叩玉京閣。不納袖章欲奏誰其傳。徘徊雲路不
能去。下視塵海茫無邊。又夢隱處澗谷事耕讀。三餘自
足讀書樂。傳家著作堆如山。千古不磨言天爵。六朝金
粉化烽煙。汗牛充棟全無著。莊周蝴蝶正蘧蘧。山寺晨
鐘敲夢覺。天風浪浪海山蒼蒼。戍連何在素琴獨張。恨
知音兮難再遇。茫茫大海歎望洋。

白衣菴望海樓

葛事不到眼。此樓猶喜登。蓬萊那可卽。弱水總難乘。遍地風雲捲。兼天波浪興。餘生渺一粟。海若笑顛僧。

準提菴讓一著亭

想能退一步。海濶與天空。若能讓一著。人已意和同。羸欣敗亦喜。胸次春融融。於此可見道。長嘯來天風。

屐石

山頭一頑石。天然如隻履。可是達摩遺。謝公屐應喜。

準提菴贈詩僧芥舟

出語妙天下。禪宗好賦詩。山中花月助。筆底風雲馳。余
亦能高詠。不無危苦辭。敲推逢島佛。風雅是吾師。
不有空門在。如何度此生。間雲無滯迹。野鶴有清聲。與
我安心竟。從師撒手行。江風綠底事。慣作不平鳴。
江南烽火熾。遙望不勝哀。火宅誰能出。牛車孰肯推。大
江向東去。妙諦悟西來。十二法輪轉。寸心如死灰。
文字非真諦。精修入上乘。祇知生是患。休問客何能。石
爲談空坐。樓因望海登。名山自千古。身世總難憑。

三月十九日同丁月湖馬子良王涵如諸君登

土山遠眺感作追和文信國公石港詩韻
故土今何在。携筇此問津。江淮猶有賊。草野豈無人。
鳥噪如迎客。花飛又送春。憑高堪縱目。一水綠鱗鱗。

偶成追和文信國公石港詩韻

終日山巔與水涯。舊遊還憶玉鈎斜。問余勾當平生事。
不伴沙鷗便侶蝦。

大風渡江

不向窮途怨石尤。凌晨挂席發瓜州。英雄人物浪淘盡。
空剩金焦兩點浮。

平生履險總如夷。收拾狂瀾入我詩。堪笑江山與文藻。
不居絕險不呈奇。

渡江至揚州

一輪紅日出海東。江波漱盪玻璃紅。金焦北固鼎足峙。
而我攜艇浮其中。上戴九重之碧落。下臨馮夷之幽宮。
四顧茫茫了無物。盈盈一水浮孤篷。放開眼界天地空。
人生何苦愁途窮。昨日風逆今日順。順逆更迭猶窮通。
十年再作揚州夢。煙花三月春光濃。

淮陰釣臺

淮陰之前釣者有太公。維師鷹揚何其雄。淮陰之後釣者子陵子孤。高不爲天子使。咄哉王孫真可哀。身名俱裂存空臺。我來臺上訪遺跡。不覺爲之三歎息。勲業能與太公侔。功成曷不披羊裘。嗚呼貪餌如魚。自上釣。君不見張良辟穀從仙遊。

九日登攝山最高峯

夢想棲霞亦有年。今朝重九陟層巔。風來絕頂頻吹帽。浪湧如山遠接天。四海扁舟無定所。九秋佳日足俄延。最高峯作登高會。無酒無花興自顛。

隨園

萬竿修竹翠交橫。重到隨園倍愴情。春去已醒蝴蝶夢。
客來空聽子規聲。亭臺幾處非全盛。文字千秋有定評。
從古才人最難測。莫將淺語擬先生。

白鷺亭玩月留別朱岳雲道士

皎皎青天月。今宵何團圓。話舊池上亭。清光照人寒。君
詩如明月。可望不可攀。君心亦如之。靜淨無波瀾。颺風
柳萬絲。別緒偏相關。臨別飲君酒。酒酣發長歎。相隔五
百里。相見難復難。吟詩送我行。秀若江上山。白鷺一羣

飛見之摧心肝

題農隱道人麥浪舫圖

岳雲高士仙乎仙。酒酣得句追青蓮。誅茅結屋滄江邊。
江波麥浪搖醉眠。渴來三見堯時水。田廬盡沒洪濤底。
名爲農隱實無田。一硯耕之而已矣。勸君不用泣窮途。
世事大都如此耳。君不見少陵成都舊草堂。三間茅屋
摧風霜。

題王竹嶼姻丈

鳳生

中峯送別圖

慷慨投簪組。長歌歸去來。中峯晴雪接。高館盛筵開。國

計猶關心。民情大可哀。遙知揮手際。僚佐總徘徊。

題竹嶼姻丈黃河歸櫓圖

正泛仙槎到斗牛。天風忽引作歸舟。支機石易河邊覓。
買卜人難市上求。得失無心爭夢鹿。蕭閒隨意狎沙鷗。
江聲帆影還如昔。月夕花晨最倚樓。丈家有江聲帆影閣

題博山園雅集圖爲湯雨生都督作謹依先君

用坡公煙江疊嶂圖原韻

渡江重訪六代山。層巖疊嶂橫雲煙。風亭月榭感興發。
虎踞龍蟠猶儼然。將軍白門築小隱。留客歌嘯煎山泉。

君家城北琴臺園名著海內

寶藏奇秘虹貫月豪舉壺觴鯨吸川與

酣出二博山急報圖拭目明窗前山痕縹緲露青影樹

色濃茂參蒼天布帆隔浦互出沒時花倚檻相鮮妍八

州都督王雅集

謂陶文

頓教墨雨膏硯田太和元氣召

祥瑞人慶人壽年豐年者英今成星落落圖畫猶見山

娟娟我讀父詩憶疇昔終夜欹枕難安眠幸觀遺墨強

自慰拈韻學步追坡仙斯圖斯人足傳後昔日今日皆

前緣還君畫卷別君去明朝高詠煙江篇

壬子四月二十八日舟泊秦郵訪左清石刺史

於憶瀟湘館下榻十餘日復邀至金陵承助刻

帖之資至六月八日返棹揚州作詩留別

五年不相見相見在秦鄴清慕雲中鶴間憐水上鷗輪
軒非有意浩蕩本無求素志如能逮甘心老一邱

時下陳蕃榻重傾北海尊詩歌猶可質松菊尚能存蔣

詡開三徑坡公買一園君儻舍秦邠暫作寓公鵬程六月息旋轉

有乾坤

話別難分手從遊到石城秦淮邀泛月獅窟約聞鶯湯

生別業名酒對耆英酌詩題妙繪成撩人苦離索樹樹
獅子窟

曳蟬聲。

後會知何地。辭君復送君。綠楊帶城郭。孤客望帆雲。鐘鼎他年著。山林此日分。簫聲和月到。嗚咽不堪聞。